

Վիրտուալ կրթություն

ՀԲԸՄ՝ հայրենիքում համախմբված աշխարհասփյուռ պատվիրակները մասնակցեցին 1-ին հայկական վիրտուալ համալսարանի 3-րդ տարեդարձին: ՀԲԸՄ վիրտուալ համալսարանի գործունեությունը և ծրագրերը ներկայացրեց ՀԿՀ հիմնադիր Երվանդ Չորյանը: Երեք տարի առաջ վիրտուալ ուսուցման կենտրոնը ստեղծվեց հենց սփյուռքահայ ուսանողների համար: 7-միլիոնաՆոց հայկական սփյուռքի երիտասարդների միայն 5 տոկոսը հնարավորություն ունի հայկական կրթություն ստանալ իրենց բնակության երկրում: Մնացած 95 տոկոսի համար էլ հենց գործում է ՀԲԸՄ վիրտուալ համալսարանը: ՀԲԸՄ Նորագույն ուսումնական հաստատությունն առաջարկում է հայկական առարկաների ուսուցում՝ սերտիֆիկացված ծրագրերով և կրեդիտավորված դասընթացներով: Վիրտուալ համալսարանն ունի երեք ֆակուլտետ՝ հայոց լեզվի, հայոց պատմության և հայ մշակույթի: ՀԿՀ ու շախմատի ակադեմիայի գործակցությամբ համալսարանը շուտով կունենա նաև շախմատային դասընթացների բաժին: Հայկական կրթությունն ամբողջ աշխարհում հասկանալի դարձնելու նպատակով համացանցային դասընթացները հասանելի են 6 լեզվով՝ հայերեն (արևելահայերեն և արևմտահայերեն), անգլերեն, ռուսերեն, ֆրանսերեն, իսպաներեն և թուրքերեն: ՀԲԸՄ առցանց հայկական համալսարանն այսօր ունի ավելի քան 2000 ուսանող՝ 63 երկրներից: ՀՀ կրթության և գիտության նախարարությունն էլ նախատեսում է համահայկական վիրտուալ համալսարանին տալ պետական արտոնագիր:

Այց Աժ

ՀԲԸՄ Ընդհանուր ժողովի շրջանակներում միության պատվիրակները գլխավորությամբ ՀԲԸՄ նախագահ Պերճ Սեդրակյանի և կենտրոնական վարչական ժողովի անդամների այցելեցին ՀՀ Ազգային ժողով և հանդիպեցին Աժ նախագահ Զոհրաբ Աբրահամյանի հետ: Աժ Նիստերի դահլիճում ՀԲԸՄ միության պատվիրակներն ու ՀՀ Աժ նախագահը խոսեցին միության գործունեության ու ապագա ծրագրերի մասին:



Այց հիշողության կրթող

Սփյուռքի յուրաքանչյուր հայի համար Ծիծեռնակաբերդ այցը նվիրական իղձ է, տարիների փափագած երազանք, որը ՀԲԸՄ 300 պատվիրակների համար ևս մեկ անգամ դարձավ իրականություն: ՀԲԸՄ ներկայացուցիչները Ծիծեռնակաբերդ այցելեցին միության նախագահ Պերճ Սեդրակյանի գլխավորությամբ: Ամառ կրակի մոտ՝ աղոթք՝ զոհերի հիշատակին, ու ամենախոս «Տեր, ողորմյա»...

Հայոց ցեղասպանության թանգարան-ինստիտուտում սփյուռքահայ պատվիրակներին ընդունեց թանգարանի տնօրեն Հայկ Դեմոյանը: 1995-ին թանգարան-ինստիտուտը ստեղծվել է հենց ՀԲԸՄ գործուն աջակցությամբ: Հայկական բարեգործականի միջոցներով ձեռք են բերվել նաև ցեղասպանության վերաբերյալ հազվագյուտ գրքեր, վավերագրեր ու փաստաթղթեր:

ՀԲԸՄ-ն իր տեղն ունի նաև Ծիծեռնակաբերդի հուշածամբերի պուրակում: Բազմաթիվ երկրների ղեկավարների ու միջազգային պատվիրակությունների ծառերի կողքին աճում է նաև Հայկական բարեգործականի հուշածամբը: ՀԲԸՄ պատվիրակները ջրեցին համահայկական կազմակերպության խորհրդանշական եղևնին՝ հերթական անգամ փաստելով անցյալը հիշելու և ապագան կառուցելու մշտաթունն ու միասնական պարաստակամությունը:

